



21.5.18  
[Redacted]  
25.05.18

Broj: 05/01-05-20193/18 RA  
Sarajevo, 22.05.2018. godine

**KANTONALNI ZAVOD ZA ZAŠTITU  
KULTURNO-HISTORIJSKOG I  
PRIRODNOG NASLIJEĐA SARAJEVO**  
ul. Josipa Štadlera br. 32

**KANTONALNI ZAVOD ZA ZAŠTITU KULTURNO-  
HISTORIJSKOG I PRIRODNOG NASLIJEĐA  
SARAJEVO**

Broj: 223/R

Datum: 25-05-2018

Potpis: [Redacted]

**HITNO!**

**PREDMET:** Zahtjev za izjašnjenje, traži se

Zastupnik u Skupštini Kantona Sarajevo, Predrag Kojović, na 42. Radnoj sjednici Skupštine Kantona Sarajevo, održanoj dana 07.05.2018. godine, u okviru tačke Dnevnog reda "Zastupnička pitanja, inicijative i odgovori", u skladu sa Poslovníkom Skupštine Kantona Sarajevo, pokrenuo je zastupničku inicijativu, kako slijedi:

1. "Podnosim inicijativu da se planira izdvajanje novčanih sredstava te pokretanje aktivnosti potrebnih za obnovu Astronomske opservatorije na Trebeviću, poznate kao tvrđava Bistrik kula.
2. S ciljem što bolje realizacije projekta obnove objekta Bistrik kula te korištenja opservatorije u edukacijske svrhe, potrebno je da Ministarstvo prostornog uređenja, građenja i zaštite okoliša i Ministarstvo za obrazovanje uspostave saradnju sa Astronomskim društvom "Orion", kojem bi objekat bio ustupljen na korištenje.
3. Za obezbjeđenje novčanih sredstava potrebnih za obnovu opservatorije, potrebno je dio sredstava planirati u Budžetu KS, kao i uspostaviti saradnju sa Zavodom za zaštitu kulturno-historijskog naslijeđa, Općinom Stari Grad te potencijalnim domaćim i međunarodnim donatorima."

U cilju pripreme odgovora na predmetnu inicijativu, molimo da se prethodno izjasnite o istoj s obzirom na Elaborat o kulturno-historijskom i prirodnom naslijeđu, koji je trebalo pripremiti u funkciji izrade Prostornog plana područja posebnog obilježja ZP "Trebević", a shodno Programu i planu aktivnosti za pripremu i izradu Prostornog plana područja posebnog obilježja ZP "Trebević", koga je usvojila Vlada Kantona Sarajevo 30.03.2017. godine. U Elaboratu je trebalo utvrditi stanje, valorizaciju, te dati prijedlog mjera zaštite, uređenja i načina korištenja evidentiranih dobara kulturno-historijskog naslijeđa na području ZP "Trebević".

Takođe, inicijativu treba sagledati i sa aspekta Plana upravljanja ZP "Trebević" ("Službene novine Kantona Sarajevo", broj 23/17) u kome je dodatno podcrtana potreba zaštite, konzervacije, restauracije i revitalizacije lokaliteta Bistrik kule sa ostacima Austro-ugarske tvrđave i opservatorije, te da je poduzimanje mjera i aktivnosti u tom kontekstu prevashodno nadležnost Kantonalnog Zavoda za zaštitu kulturno-historijskog i prirodnog naslijeđa Sarajevo.



Imajući u vidu navedeno, kao i činjenicu da je Zavod (pored Ministarstva) nadležan za izvršenje poslova zaštite prirode (prema članu 9. federalnog Zakona o zaštiti prirode), te formalno predlagač zaštite Trebevića, molimo Vas da izjašnjenje dostavite najkasnije u roku od 7 (sedam) dana od dana zaprimanja ovog akta.


S poštovanjem,

Prilog:

- Zastupnička inicijativa

Dostaviti:

- Naslov
- a/a




MINISTAR

Cedomir Hukić, dipl. ing. arh.



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-086, Fax: + 387 (0) 33 562-177  
Sarajevo, Reisa Džemaludina Čauševića 1





DOP	OJ	Šifra	Veza
	210	211	

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
Ministarstvo prostornog uređenja,  
građenja i zaštite okoliša**

Broj: SK/Z-18, Z-06 – 823/18

31.5.2018.

**PREDMET:** Izjašnjenje o lokalitetu Bistrik kule

U vezi vašeg dopisa br. 05/01-05-20193/18 RA od 22.5.2018., a u vezi inicijative za obnovu Astronomske opservatorije tj. Bistrik kule na Čolinoj kapi (Trebević), ovim putem vas obavještavamo o sljedećem:

Kantonalni zavod za zaštitu kulturno-historijskog i prirodnog naslijeđa je za potrebe izrade Prostornog plana područja posebnog obilježja ZP "Trebević" uradio Elaborat zaštite kulturno-historijskog naslijeđa, u kome je definiran inventar kulturnih dobara sa mjerama zaštite. U slučaju Bistrik kule, primjenjujući Pravilnik o kriterijima za kategorizaciju dobara baštine ("Službene novine KS", br. 9/02) i Pravilnik za provođenje postupka evidencije i prethodne zaštite (Kantonalni zavod za zaštitu kulturno-historijskog i prirodnog naslijeđa, br. akta 99/14, od 21.1.2014.), izvršena je preliminarna valorizacija dobra zasnovana na sljedećim kriterijima:


1. SVOJSTVO, SUŠTINSKO OBILJEŽJE DOBRA (historijska, dokumentarna, arhitektonska, pejzažna vrijednost),
2. ZNAČAJ I FUNKCIJA DOBRA ( kulturno-historijska, naučno-istraživačka, vaspitno-obrazovna, socio-ekonomska vrijednost).

Definirane su i mjere zaštite kako slijedi:

- Dopušteni su radovi rekonstrukcije nedostajućih dijelova objekta, konzervatorsko-restauratorski radovi, radovi sanacije i adaptacije. Predvidjeti prostor unutar objekta koji će nositi dio interpretacijske infrastrukture (vidjeti stav 6). Radovi se vrše uz nadzor nadležnih službi zaštite naslijeđa.
- Izvršiti potrebna istraživanja radi utvrđivanja postojanja odbrambenih zidova opasnih oko objekta Bistrik kule.
- Sačuvati dosadašnju namjenu objekta - Astronomske opservatorije.
- Projekat rekonstrukcije objekta Zvezdarnice izraditi u skladu s arhitektonskim vrijednostima Bistrik kule.
- U saradnji sa službom zaštite naslijeđa izvršiti pejzažno uređenje mikrolokaliteta Bistrik kule i Zvezdarnice.
- Dopušteni su radovi koji imaju za cilj prezentaciju vrijednosti kulturnog dobra, odnosno kulturnih dobara, ali isključivo kroz interpretacijski pristup. Ovo podrazumijeva prethodnu izradu interpretacijskih planova koji će omogućiti uvezivanje sa sličnim tematskim sadržajem, odnosno materijalnom i nematerijalnom baštinom unutar obuhvata (Appelova cesta, Fort Draguljac i sl.), definirati informativno-edukativno-interaktivne staze kroz princip tzv. outdoor exhibition-a ili izložbe na otvorenom, te kreiranje i distribuciju adekvatne interpretacijske infrastrukture.
- Sve intervencije moraju biti izvedene u skladu sa Zakonom o proglašenju Zaštićenog pejzaža "Trebević" ("Sl. novine KS", br. 15) i mjerama zaštite za I zonu (nukleus) - zona stroge zaštite.

Zavod je predlagatelj zaštite Trebevića i kroz Plan upravljanja ZP „Trebević“ i Elaborat o zaštiti kulturno-historijskog naslijeđa za Prostorni plan područja posebnog obilježja ZP „Trebević“ proponirali mjere zaštite koje podrazumijevaju obnovu Astronomske opservatorije uz integraciju i drugih vrijednosti koje nalazimo na ovom lokalitetu. S obzirom da je predmetna zastupnička inicijativa u skladu sa navedenim, Zavod istu podržava.

S poštovanjem,



Direktor

Nervin Dacic, dipl.ing.arh.

Prilog:

- Izvod iz Elaborata

Dostaviti:

- Naslovu
- Službi zaštite
- Arhivi